

Geubuh Daengzcog



未来的衣服

cungj youz swheij maij yiengh lawz couh diuz yiengh de, cig daengz swheij muenxeiq.

Geu buh neix ndaej seizseiz diuz vaendoh, couh lumj geu buhgunghdiuz he. Seizhah daenj de, gig liengzsangj, lij ndaej cwdangj mbouj hawj swjvaisen ciuq daengz ndaw. Seizdoeng daenj de, roxnyinh gig raeujrub, aenvih geu buh neix gig mbaeu, ndigah mbouj fuengzngaih gyoengqvunz saek loh, yaek doxbuet dwkgiuz cungj ndaej. Seizcin caeuq seizcou daenj couh mbouj nit mbouj hwngq. Geu buh neix lij cang aen cuengq yinhyoz youq ndaw, siengj dingq gijmaz couh dingq gijmaz, gij sing hix daih gvaq lo, mbouj rox sieng daengz aenrwz vunz. Caemhcai, gij sing yinhyoz lij rox gaengawq bouxvunz youq dieg lawz bienq sang bienq daemq, gij sing haenx cijmiz boux daenj geu buh haenx cij gag dingqny, yienghneix seiqhenz couh mbouj rox deng singyaem gyuk uqlah lo.

Geu buh neix lij cang miz aen singyaem daezsingj, mwh mwngz dingq go haeuj maez gvaq maxloh seiz, rox miz yungyiemi,

seizneix yinhyoz sikhaek rox daengx roengzdaeuj, conj baenz sing daezsingj, caj daengz mwngz daengz dieg ancienz seiz, cij dingz roengzdaeuj. De mboujdanh rox daezsingj, lij rox gag saeg buh caeuq gag ci hawq dem. Caezgya cungj mbouj yungh you saeg buh lo, yienghneix ngoenzngoenz cungj youq soeng simyungz.

Seizneix gwnz ndang vunz-raeuz gij sigin haenx geq cungj geq mbouj liux, doiq ndangvunz gig miz haih, yienghneix geu buh gou youh daegbied miz yungh lo, de ndaej cawzraeg gij sigin gwnz ndang vunz, hawj daengx ndang sangjloebloeb. Geu buh neix lij naengz bang vunzraeuz baujgen, meijyungz, dub hwet soeng nyinz dem…… Cingq lumj vunz gangj “cib bet cungj gungfou yiengh-yiengh cungj caezcienz”, de siumied gij buh baeznaengz daengxcungq gezdenj, cij ce gij ndeicawq ndei daenj ndei yungh de.

Gou maqmuengh geu buh goengnaengz lai neix moix ngoenz vih vunzraeuz swngghoz dem angq dem gyaau.

(sam nienzgaep Lij Siengi)

Naedfwn Iq Manzgyaengj

Naedfwn iq,
Mwngz caen manzgyaengj,
Yaep he con haeuj ndaw dujva,
Hawj dujva ndoet daengz doh.
Yaep he youh buet daengz gwnz dieg,
Hawj gwn dieg ndaej swiq ndang sangjloebloeb.

Naedfwn iq,
Mwngz caen manzgyaengj,
Mwngz gingqyienz saet daengz ndaw bonj bouh gou,
Hawj gou dawz mwngz sij haeuj ndaw sei bae.

(seiq nienzgaep Cuz Yin)



Seizcou Lai Saek Lai Yiengh

多姿多彩的秋天

Seizhah gaenq caegcaeg byaijdeuz lo. Seizcou, gaem ci bit caijsaek he daeuj lo.

“Sasasa……” Gwnz gofaex gij mbaw henj haenx deng rumz ci loenq roengz daeuj, cw youq gwnz dieg, gwnz dieg lumj bu fan danj saekhenjgim he. Caij hwnjbae, yiengjsasa. Miz di mbawfaex gig manzgyaengj, naengh youq gwnz ndang rumz, youq gyangmbwn bi buengqyed. Miz di gaenriengz rumz dahcej, saet neix mbin de guhcaemz. Gyoengqde yaep ndeu mbin hwnj mbwn bae, yaep ndeu youh ma ndaw rungj daihdeih daxmeh. Miz di dang swheij dwg duz mbungqmbaj, aj fwed yegyeg, youq gyang mbwn diuqfoux. Miz di mbawfaex dauq gikgyadgyad,

nem gofaex daxmeh mbouj haengj roengzdaeuj. Hoeng gyoengqde caeuq rumz dahcej ciengqgo, ciengq diuz go seizcou. O! Rumz dahnuengx hix daeuj lo. De daiq haujlai baengzyoux iq daeuj, gyoengqde buet dwk, diuq dwk, gip mbawloenq guh byauhbnj. Gip gij mbaw haenx, mbaw nding nding lumj feiz, mbaw henj henj lumj gim, mbaw heu dauq yienj ndaej gig sengdoengh, gij mbaw gyoengqde gip haenx, lai saek lai yiengh, yienghsiengq geizgvaig.

Mboujdanh dwg gij mbaw-loenq seizcou raiz yuk raiz yaek, gij lwgmak seizcou engqgya lai cungj lai yiengh. Ndaw suenmak, youq gyae yawj bae, makleizsan bak dek yadyad, loh baenz baiz

baenz baiz heuj ndongqrikrik riu dwk, lumjdwg dawz naedcaw soengq hawj seizcou. Bingzgoj najnding lo, couh lumj baenz aen baenz aen daengloengz venj youq gwnz nyefaex. Gij makleiz henj-rwgrwg haenx mwngz ing gou gou ing mwngz, couh lumj gyoengq nyzhozloz he cingq ganggoj sebseb. Doenghnaz haeux henj haenx couh lumj aen haij saekgim, rumzcou baez ci, foeb hwnj foeb roengz, ndit baez ciuq, fubfeb ndangqrik.

O! Gou gyaez seizcou, gyaez seizcou gyaeunde, hoeng gou engq gyaez seizcou lai saek lai yiengh.

(haj nienzgaep Sung Ginghcouh)

Gwnringz Ndwi

免费的午餐

Cuhbazgai hai aen diemqgwn he, hoeng aen diemq de caemdikdik gaicawx mbouj baenz, Cuhbazgai naemj ha naemj, naemj ok aen geiqmaez he.

De youq bakdou venj gaiq baiz he, gwnzde sij naeuz: Gwnringz ndwi. Yienz-haeuh roq gyong bungbung, hemqgva' gva hwnjdaeuj: “Daeuj ha daeuj ha, neix hawj gwnringz ndwi bw, siengj gwn geijlai couh gwn geijlai, mbouj aeu cienz!”

“Caen mbouj aeu cienz?” Meuzgeq byaij gvaq bakdou, yaek saenq mbouj saenq.

“Dangyienz mbouj aeu cienz, mboujgvaq ne, dou aeu beijbeij dungx.” Cuhbazgai bekbek aendungx naeuz, “danghnaeuz mwngz gwn ak gvaq gou, couh mbouj sou cienz mwngz; danghnaeuz mwngz gwn noix gvaq gou, yienghneix gij doxgaiq song boux dou gwn haenx, cungj dwg mwngz ok cienz.” Meuzgeq cei dam gwn lo, seizneix de souh mbouj ndaej “gwnringz ndwi” ciunyex, gig siengj ciemq de bienzngeiz, couh dapwngq lo.

Meuzgeq mbat ndeu gwn 18 aen baunohbya, youh mbat ndeu ndoet 18 vanj dangnohbya. Cuhbazgai riu riu, lienz gwn 36 aen baunohbya, lienz ndoet 36 vanj dangnohbya. Meuzgeq saw lo, cijndeik ok gij cienz 54 aen baunohbya caeuq 54 vanj dangnohbya, doeknaiq dwk byaij lo.

Manaez hix siengj daeuj ciemq bienzngeiz. De mbat ndeu gwn 38 aen baunoh, youh mbat ndeu gaet 38 gaemz gagaeq. Cuhbazgai lijdwg riu riu, dawz 72 aen baunoh caeuq 72 gaemz gagaeq okdaeuj, soebsoebsoeb yaepyet couh gwn seuqsat.

Doeklaeng, maxloeg caeuq duzlingz hix siengj daeuj ciemq di bienzngeiz, hix cungj saw lo. Cuhbazgai nyaengq geq cienz, riu dwk bak ajoengloeng, daekieq dangqmaz.

Miz ngoenz he, duzhomaj daeuj daengz ndaw diemq. Cuhbazgai cam: “Mwngz hix siengj daeuj gwnndwi ma?”

“Dangyienz dangyienz.” Hozmaj gangj le, aj bak couh gvangxgvat gij bau ndaw diemq roengz dungx bae liux, lij naeuz: “Mbouj gaeuq mbouj gaeuq, gou lij iek.” De byaij haeuj ranzsaeuq, yawjraen gijmaz cungj saeg gwn liux, lij naeuz: “Caen siujheiq, lijmiz gijmaz ndeigwn vaiq di dawz okdaeuj!”

Cuhbazgai deng hwk ngawz lo, “boeb” sing he gvih roengz namh bae, gou hozmaj cuengq gvaq de.

(haj nienzgaep Meiz Meiz)

